



Ko te pūrongo e whai ake nei, he kupu hei ārahi, hei āwhina i te kaiako. Ko te hua o ngā kōrero, he mea tango i ngā pūrongo aromātairua i te tau 2025.

AS92073 Te Reo Rangatira 1.1

Te whakamārama i tētahi kaupapa kua ākona

Ko tā tēnei paerewa he aromatawai i te kaha o te ākonga ki te whakamārama i ngā take matua o tētahi kaupapa.

Nā reira, kia pūmau ai ngā whakawhiwhinga o te Paetae, me whakamārama i tētahi kaupapa kua ākona. Arā, me tautohu i ngā whakaaro matua o te kaupapa, me whakaatu i ētahi māramatanga ki te kaupapa. Ka mutu, me mārama hoki te reo whakamārama.

Kia pūmau ai ngā whakawhiwhinga o te Kaiaka, me hōhonu te whakamārama i tētahi kaupapa kua ākona. Nā reira, me whakaahua i ngā whakaaro matua o te kaupapa. Me whānui hoki te māramatanga ki te kaupapa ka kitea. Ka mutu, me whaitake te reo whakamārama.

Kia pūmau ai ngā whakawhiwhinga o te Kairangi, me tōtōpū te whakamārama i tētahi kaupapa kua ākona. Nā reira, me matapaki i ngā whakaaro matua o te kaupapa. Me mārama hoki te kite i te kaupapa o ngā whakaaro matua. Ka mutu, me whaihua te reo o te whakamārama.

Ngā take me ngā ia

He auaha te hanga o ētahi tauira mahi i tukuna mai, ā, he rawe hoki ngā kaupapa. Ko te nuinga o ngā kaupapa, nō ō rātou rohe whenua tonu. Ka mutu, i hāngai hoki ngā kaupapa ki a rātou anō. Ruarua noa iho nei ngā kaupapa tūmatawhānui.

Ko tā tēnei paerewa he aromatawai i te kaha o te ākonga ki te whakamārama i ngā take matua o tētahi kaupapa kua ākona. Nā reira, kia mōhio pū te ākonga ki te wetewete, ki te tūhura, ki te matapaki, ki te haurapa hoki i ngā take matua o tētahi kaupapa.

Kei te whārangi ipurangi ngā kōrero āpiti, ngā kuputaka me ngā whakamāramatanga.

AS92074 Te Reo Rangatira 1.2

Te whakamārama i te pānga o te horopaki ki te reo

Ko tā tēnei paerewa he aromatawai i te kaha o te ākonga ki te whakamārama i ngā pānga o ētahi horopaki ki te reo.

Nā reira, kia pūmau ai ngā whakawhiwhinga o Paetae, me whakamārama i te pānga o te horopaki ki te reo. Arā, me tautohu i ngā āhuatanga motuhake o te horopaki. Me whakaatu māramatanga hoki ki ngā pānga o te horopaki ki te reo. Me mārama te reo whakamārama.

Kia pūmau ai ngā whakawhiwhinga o Kaiaka, me hōhonu te whakamārama i te pānga o te horopaki ki te reo. Me whakaahua i ngā āhuatanga motuhake o te horopaki. Me whānui hoki te māramatanga ki ngā pānga o te horopaki ki te reo ka kitea. Ka mutu, me whaitake te reo whakamārama.

Kia pūmau ai ngā whakawhiwhinga o Kairangi, me tōtōpū te whakamārama i te pānga o te horopaki ki te reo. Arā, me matapaki i ngā pānga o te horopaki ki te reo. Ka mutu, me whaihua te reo o te whakamārama.

Ngā take me ngā ia

I rawe ngā tauira mahi i tukuna mai. He rawe ngā horopaki. Ko ngā horopaki e kōrerotia nei, he horopaki nō ō rātou rohe whenua tonu. Ka mutu, he koropaki e kaingākau nuitia ana e ngā ākonga. Ka hāngai ngā horopaki ki a rātou anō. Arā, ko ngā waiata hei tūāpapa ki ā rātou horopaki.

He nui ngā ākonga i whakawhiwhia ki te taumata o Kaiaka. I hōhonu ā rātou whakamārama i te pānga o te horopaki ki te reo, i te pānga o reo ki te horopaki rānei. Nā reira, i pai te whakaahua i ngā āhuatanga motuhake o te horopaki, i whānui hoki te māramatanga ki ngā pānga ka kitea. Ka mutu, i whaitake te reo whakamārama.

Ko tā tēnei paerewa he aromatawai i te kaha o te ākonga ki te whakamārama i ngā pānga o ētahi horopaki ki te reo. Arā, ko te reo me te taiao e noho nei te kōrero. Nā reira, me mōhio pū te ākonga ki ngā pānga o ētahi horopaki ki te reo. Hei tauira, me tautoko ngā pānga kua tautohua ki ētahi tauira, ā, ka kōrerohia ētahi hononga i waenga i ngā pānga, ngā hua rānei ka puta i te nohotahi o ētahi pānga.

Kei te whārangi ipurangi ngā kōrero āpiti, ngā kuputaka me ngā whakamāramatanga.